

Transkription von Urkunde MGD 1491a

Ort, Datierung: Magdeburg, 1491-07-04

Signatur: Stadtarchiv Zerbst, MUB III, 766

Inhalt: Rat der Stadt Magdeburg: Schöffenbrief (Freilassungsbitte)

Vnsen fruntliken denst touor(e)n Ersamen bsunder(e)n guden frunde de Clawes klo=/densche dusse
iegenwerdige vnse arme borgerynne hefft vns clagende bericht / wu eyn leddich geselle ohr ohre
naturlike dochter gnant Ilse entforet vnd by(n)ne(n) / Juwe Stad Jnd gemeyne vntrichtige vrowen(n)
husz geforet vnd dar vor gelt vor/sath vnd vorkofft hebbe dat twar so Juwe leue wol derkenne(n)
sunthlick scheme/lick vnd clegelick genoch is eynen mynschen(n) also tho sodanen(n) sunthliken(n) /
vnd schemeliken dyngen(n) to vorsettende vnd tho vorkopende . So wy dergeliken / by vns Jn vnser
Stad Jn tyden geschen ok wol vornome(n) vnd dat gestraffet vnd / de so vorsatten des wedder ane gelt
van den vrowen(n) vnd werdynnen(n) gefryet / vnd gehulpen(n) hebben(n) So wy des ok so wy dat
wusten(n) vnd vor vns keme nicht / staden(n) willen(n) (etc.) Wu nu dem Ersamen(n) guden frunde
Bidden wy deger fru(n)t/likem gy willen dusser suluen armen(n) vrowen(n) so vorder gunst vnd
guden(n) / willen bewysen vnd behulpen syn . se desuluen ohre dochter uth alsodanem / sunthliken
leuende itzund wedder krigen(n) vnd to hūsz mit sick nemen(n) vnd ohrer / eyn dem andern helpen
mogen(n) Jn beterynge ohres leuendes . sick to ernere(n)de / Vordenen(n) wy tigen Juwe leue wedder
v(m)me Jnflite gerne Geschreuen(n) / vnder vnser Stad Secret am mandage Vdalrici Epi(scopi) Anno
domi(ni) (etc.) xcprio(r) /

Rathman(e) vnd Jnnigismester(e) / der alden Stad magdeborch /